



UNIVERSITÄTS-  
BIBLIOTHEK  
PADERBORN

**Demonstrationes  
Chronologico-Historico-Juridico-Canonicæ**

**Callenberg, Caspar**

**Coloniae, 1734**

Caput II. Secundam propinat Demonstrationem.

---

[urn:nbn:de:hbz:466:1-63192](https://nbn-resolving.org/urn:nbn:de:hbz:466:1-63192)

tamque graves Autores (cum etiam *in Ore duorum, aut trium Testium, ster omne verbum, Oraculo Divino*) vera de rebus suorum temporum (maximè cum illis nemo contradicat) scripsisse, & posteritati tradidisse, adeoque jamtrum seculo 13tio, dum ista scriberentur, Canonissas reapse posthabita *communitate ad singularem vitam* transiisse; & vulgò (cum primis in præcipuis Ecclesiis) cum Canonicis concurrisse?

Quæ si mihi, ut à nemine prudente negari possunt, tandem concedantur;

*Ite triumphales circum mea tempora Lauri!*

*Vicinus; (a)*

Nam his concessis, necessariâ consequentiâ sequitur: ergo Bonifacius VIII. in *C. Indemnitatibus. §. supradicta de Elect. in 6.* comprehendit hujusmodi Canonissas Seculares, scilicet *singulatim* extra communitatem viventes, & cum Canonicis Capitulum constituentes. Ut nemo, qui vim syllogisticam callet, inficias iverit. Et hoc est, quod erat *demonstrandum* hâc primâ Morali Demonstratione; quæ certè cuivis, nullis partibus infecto, non infimum Moralis evidentiæ gradum attingisse videbitur. Sed cum, quæ clara sunt, luculentiora fieri possint, ad illustrandam præsentem Materiam, ultrâ eamus.

## CAPUT II.

*Secundam propinat Demonstrationem.*

### DEMONSTRATIO SECUNDA.

Capitulum *Indemnitatibus. §. penult. de Elect. in 6.* conditum est pro Canonissis NB. *Secularibus*. patet ex *Summario in C. Indemnitatibus §. penult.* ibi: *Hæc constitutio locum habet in Monialibus regulariter viventibus, & in Canonicis Regularibus, hoc excepto quod non debeant, nisi Professe eligere vel eligi, quod non potest sibi vindicare locum in Canonicis Secularibus.* Per hoc tamen Papa non approbat Statum dictarum **CANONICARUM SECULARIUM**. En tam in paucis lineolis nomen *Canonicarum Secularium* bis expressum; ut nullus dubites de veritate nostræ Majoris, maximè si porrò resciveris, quod eandem ambabus, quod ajunt, manibus amplectantur Doctores universi, contradicente nemine.

Sed *Canonica*, non ante dictæ sunt *Seculares*, quàm à vita *communi* ad *privatam*, *Secularibusque* simillimam descenderint: nec aliis *Canonicabus* nomen *Secularium* adhæsit, quàm illis, quæ vitam *singularem* sunt amplexæ. Ut

Num. 12.  
c. Indemnitatibus  
scriptum est  
Canonissis  
Secularibus.

C 3

iterum

(a) Ovidius L. 1. Eleg. 12.



iterum iis, qui vel primis labris Historiam Ecclesiasticam, & profanam delibârunt, & veteres recentésque Canonistas, vel lævo oculo inspexerunt, evidens est, & manifestum. *Sicut Canonici* ait diligentissimus Antiquitatum Eruderator Vanespen. J. E. V. part. 1. tit. 33. c. 2. n. 14. *Post dimissam vitam communem, & arreptam singularem dicti fuere Seculares, ad distinctionem eorum, qui vivunt sub certa Regulâ in communi; ita Canonica NB. post transitum dici cœperunt Canonica Seculares.* Quo quid clariùs? Volve, evolve, revolve concilia, Patres, Historicos, Canonistas, Juristas, certè nullibi offendes vel unicam, quæ *Canonica Sacularis* appellata sit, ante transitum illum, quo à vita communi est recessum. Et hinc nullus Autorum huic Minori obstreperit; sed eam omnes cœu Veritatis ipsiusmet oraculum, adorant. Unde iteratò evidente necessariâque consecutione, prono torrente fluit, quòd Capitulum *Indemnitibus. §. pen.* scriptum sit non aliis Canonissis, quam quæ vitæ communi tergum obverterunt, *Singularem* complexæ. Et hoc est secundò, quòd erat demonstrandum, quare triumphanti Veritati

*Dicite io paan! & io, bis dicite paan! (a)*

Aliquam multo autem tempore, jam ante Libri 6ti editionem, **CANONICARUM SECULARIUM** nomen invaluit; nam illo jam usus perverus Glossator Bernardus Compostellanus (qui floruit Anno 1250. teste *Lycosthene L. c. V. Bernardus Compostellanus*) in *c. Dilecta de Majorit. & Obed. V. Canonicas*, ibi: *Canonicas: non dicit Monachas: loquitur enim secundum consuetudinem Teutonicorum; ubi sunt CANONICÆ SECULARES &c.* & ante hunc Glossatorem nomen **CANONISSARUM** tanquam pervulgatum Anno 1220. jam tum usurpavit Cardinalis Jacobus de Vitriaco ut supra num. 3. vidimus. ibi: *Sunt Mulieres, quas Canonicas Seculares, seu Domicellas appellant.* An non novo hinc argumento extunditur, Canonissas perdudum ante *c. Indemnitibus*, ut nomen *Secularium indeptas*, ita communitate exutas, & ad privatam vitam esse digressas?

Num. 23. *Diu ante Caput Indemnitibus, Canonicarum Secularium, nomen increbuit.*

### C A P U T III.

*Demonstrationem tertiam representat.*

#### DEMONSTRATIO TERTIA.

**C**apitulum *Indemnitibus. §. pen.* agit de illis Mulieribus, seu Canonicabus, quæ tempore editi Libri 6. sub annum 1300. vivebant, ut *Canonici Saculares*, quòd controverti non potest, cum id clarè exprimatur in ipso textu

(a) *Ovidius.*